

## Меңгеруші жанындағы кеңес

### №1-Хаттама

05.09.2024ж Қатысқандар саны:9

#### Күн тәртібінде :

- 1.Топтардың жаңа оқу жылына дайындығына байланысты шолу бақылау жүргізу туралы. Меңгеруші : Г.Темирова
- 2.Жалпы ата-аналар жиналысын өткізу туралы.Меңгеруші: Г.Темирова
- 3.»Армысың,Алтын күз» ертеңгілігіне сценарийлерді бекіту туралы.Меңгеруші
4. НОБД және балабақша снэйшн мен балаларды балабақшаға қабылдау туралы.

Әдіскер: А.Сапахова

- 1.Тыңдалды. Балабақша меңгерушісі сөз сөйледі. Ол өз сөзінде2024-2025-ші жаңа оқу жылымен барлық қызметкерлерді құттықтады.Жұмыстарына сәттілік тілей отырып,табандылықпен, ерекше жігерлене еңбек етуге шақырды.
    - «Бақылау және Басшылық». Шолу тексеру қорытындысы туралы балабақша меңгерушісі Г.Темировасөз сөйледі. -2024-жылдың 02-қыркүйек күні шолу бақылау жүргіздім. Тақырыбы: «Топтардың жаңа оқу жылына дайындығы қандай деңгейде?»
    - 
    - Бақылаудың мақсаты: Әрбір тәрбиеші топтарды стандартқа сай құрып,әсерлі етіп безендірулері қажет. Оқу материалдары мен көрнекіліктері балалардың жас ерекшеліктеріне сай келуі,және заттық –дамыту орталығының 5 дағды бойынша жабдықталуы тиіс.
    - Бақылау нәтижесіне тоқталар болсам:
      - 1) Заттық-дамыту орталықтары толық жабдықталмаған. Атап айтқанда,қарапайым математикалық білім бөлімінің құралдары,сенсорикалық оқу –материалдары ,сондай ақ үлестірмелі карточкалар өте аз. Санамақтар,желімдер,толық емес.
      - 2) «Табиғат бұрышы» мен «Ұлттық бұрыш» толықтырылмаған.
      - 3) «Денсаулық » дағдыларында құрсаулар мен кегли,секіртпелер,құм салынған қапшықтар әр балаға жетпейді.
      - 4) «Қатынас» дағдылары бойынша да кемшіліктер бар. Үстел үсті театры,магниттік театр,қуыршақ театры көлеңке театр жоқ.ертегілер туралы кітапшалар мүлдем аз. Қалдық заттардан жасалған заттар бар ,бірақ олардың түрлері аз.
    -
- Ұсыныс:**
- 1) Тәрбиешілерге жоғарыда аталған заттардың бәрін жасап,жабдықтау жұмыстарына кіріссін. Мерзімі:17.09.2024ж.
  - 2)Безендіру жұмыстарына ата-аналар да қатыстырылсын.Мерзімі.17,09.2024ж.
  - 3)Еңбек құралдары толықтырылсын.Мерзімі.17.09.2024ж.

- 4) Патриоттық-әскери бұрыш және сауықтыруға арналған материалдар толықтырылсын..Мерзімі:17.09.2024ж.
- 5) Түрлі мамандықтарға арналған кұрал-жабдықтар толықтырылсын.Мерзімі:17.09.2024ж

### **Сөйлегендер:**

А.Досыбаеватәрбиші: А.Шаменова ескертуіңіз орынды ,келесі дүйсенбі күні пәндік-дамыту орталықтарын толықтырып,жоспарды түзіп,дайындалып келеміз -,деді.

2. Тыңдалды. Балабақша меңгерушісі сөз сөйледі:-Құрметті әріптестер ,өздеріңіз білесіздер,балабақшаға балардың көптеп келуі тікелей ата-аналарға байланысты.Сол себепті олармен қарым-қатынасты нығайта түсуіміз керек. Осы жылдың қыркүйектің 16-күні жалпы ата-аналар жиналысын,21 күндері топтық жиналыстарды өткіземіз. – Жиналыста қандай мәселелер айтылу керек ? Бақшаға балалар 90-100 пайыз келу керек.

Ауырып жүрген баланы үйде емдеу,ата-аналарды ашық іс-әрекет шараларына қатыстыру(әлеуметтік қашықтықты сақтай отырып,),пед. кеңестерге қатыстыру қажет..Әрбір ата-ана баласының білімді,білікті болып өсуіне мән беруге тиіс.Сондай-ақ,әрбір ата-ана отбасы болып, салауатты өмір салтын ұстанудың маңыздылығын ескеруі тиіс. Тағы бір мәселе, балаларымызға қазақтың ұлттық дәстүрлері мен өзге де ұлттардың салт-дәстүрлерін,музыкалық аспаптары мен шығармаларын насихаттауымыз маңызды . Жиналыста сонымен қатар,ата-ана төлемақысы туралы да айтып өтілді..Биылдан бастап төлемақы сомасы 7000 теңге болды-,деді меңгеруші.

### **Сөйлегендер:**

А.Досыбаева,мед.бике:-Лаззат апай дұрыс айтады.Мен де өз жоспарым бойынша екпе туралы,бойлары мен салмақтары туралы ата –аналарға мәлімет беруім керек.Денсаулық паспорттары түгел емес, алдыруымыз керек. –құрметті тәрбиешілер ,ата-аналармен үнемі байланыста болып,тапсырма беріңіздер -,деді

3.Тыңдалды. Меңгеруші сөз алды. Ол өз сөзінде :-Құрметті тәрбиешілер,көмекшілер,Күз айы берекелі,мерекелі мезгіл.Балаларға күз туралы,жеміс-жидектердің дәруменге бай,ағзаға пайдалы екенін дәріптеу мақсатында қазан айының бірінші онкүндігінде ертеңгілік өткізуді ұсынамын. Ертерек сценарилеріңізді түзіп,бекітуге маған ұсыныңыздар -,деді Тәрбиешілер бірауыздан келісті.

4. Тыңдалды.Балабақша әдіскері: Г.Темирова апай сөз сөйледі: -Қазір балабақшаға балаларын орналастыру науқаны жүріп жатыр.Кейбір балалар басқа балабақшаға ауысып жатыр. Орнына келіп жатыр.Сіздерден өтініш ,ата аналар мен жана келген балалардың құжаттарын сұратқан кезде ұялы телефондарымен қоса алдырып,жылдам жұмыс жүргізіңіздер.Өйткені әр айдың 15-не білім бөліміне балалар тізімін тапсырамыз.Егер бала саны кем болса,айлықтарыңызға нұқсан келетінін ескертеміз-,деді әдіскер.

## Шешім:

- 1.Топтарды жабдықтауға байланысты айтылған кемшіліктер бойынша жұмыс жүргізілсін.Мерзімі: 1апта.
- 2.Жалпы ата-аналар жиналысы 2024ж. 16-қыркүйек күні өткізілсін. Топтық ата-ана жиналысы 20.09на өткізілсін. Жауапты- әдіскерА.Сапахова.
- 3.«Алтын күз» мерекесінің сценарийлері түзіліп,бекітілсін.
4. «НОБД», «Снэйшн» бойынша балалар құжаттарын тез арада жинақтап,әдіскерге тапсырылсын.

Кеңес төрайымы:



Хатшы:

А.Сапахова.

## Меңгеруші жанындағы кеңес

Хаттама №2

22.11.2024 ж.

Қатысқандар саны- 9

### Күн тәртібінде:

- 1.Өткен кеңес шешімдерінің орындалуы туралы. Меңгеруші: Г.Темирова
2. «Алтын күз» мерекесін талқылау туралы. Меңгеруші:Г.Темирова
3. «Балалардың танымдық дағдыларын дамытудың әдіс-тәсілдері» . «Қарлығаш» ересек топтағы тақырыптық тексеру туралы. Меңгеруші
- 5 . Тәуелсіздік күні мен Жаңа жыл ертеңгіліктерінің сценарийлерін бекіту туралы.
6. Түрлі мәселелер туралы.

1. Тыңдалды. Балабақша меңгерушісі: Г.Темировасөз сөйледі. Ол өз сөзінде өткен кеңес шешімдерінің орындалуы туралы айтты. –Топтардың жаңа оқу жылына дайындығы туралы бақылау жәге басқару бойынша жедел тексеру жүргізілді. Тексеру қорытындысының анықтамасы бар. Жалпы және топтық ата-аналар жиналыстарын өткізуге дайындық жұмыстары жүргізілді. Ата-аналар ға арналған сауалнама, психо –тренинг сценарилері түзілді. «Алтын күз» бақшаішілік ертеңгіліктің сценарийлері бекітілді. Түрлі мәселе бойынша балларды балабақшаға қабылдау және топтарға орналастыру бойынша НОБД және БАЛАБАҚША СМАРТНЕЙШН порталы арқылы балалар толық тіркелді.

2. Тыңдалды. Балабақша меңгерушісі сөз сөйледі .Ол өз сөзінде 2024 жылдың 20-қазан күні «Көгершін » ересек және «Қарлығаш» орта топтарында «Алтын күз »мерекесіне арналған концерттік бағдарлама болып өтті. Сахна тақырыпқа сай безендірілген .Балалар да мерекелік костюм киген. Барлық балалар тақпақтарын өте жақсы айтты. «Жау жаңбыр » хорын жақсы орындады. Ересек тобының қыздары «Жапырақтар » биіне өт жақсы биледі.Ал «Айгөлек» тобының қыздары «Көңілді күн » әуеніне қолшатырлар алып шығып жақсы биледі. Ортаңғы топ ұл балалары «флешмоб»,және твист биіне өте жақсы биледі. Екі топтың да тәрбиешілері концерттік нөмірлерге өте аз дайындаған . Сондықтан орта деңге деген баға беріледі ,-деді.

3. Тыңдалды . Балабақша меңгерушісі сөз алды. -2024жылдың 28 қазанда «Көгершін» ересек тобында тақырыптық тексеру болып өтті. Тәрбиеші – А.Досыбаева. Тақырыбы: «Балалардың танымдық дағдыларын дамытудың әдіс-тәсілдері» Тәрбиешітанымдық дағдылар бойынша Деньеш технологиясы мен Кюзенер таяқшалары технологиясын жоспарлаған. Тәрбиеші балаларға тосын сый жасады.Топқа телефонмен жұмыс жасайтын маман-телефоншы келді . Телефонист – телефоншы-түрлі хабарламаларды жеткізуші және байланыстырушы. Ол балаларға телефон аппаратының құрылымы туралы ноутбук арқылы қызықты ақпарат-суреттер көрсетті.Ал, компютермен жұмыс жасайтын адамды информатик деп айтады деді. Тәрбиеші- ал, енді балалар ,алдарында жатқан түрлі пішіндердің арасынан телефон,телевизор,компьютердің пішіндерін

жасауға лайықты фигураларды тауып, құрастырындар- деді. Балалар тік төртбұрыштар мен кубиктерден құрастырып шықты. Сондай ақ Кюзенер таяқшаларынан паравоз бен вагондарды және 1 ден 5 ке дейінгі сандарды құрастырып шықты. Іс-әрекет қызықты өтті.

Жетістігі: Тәрбиеші жаңа технологияларды тиімді пайдаланды. Тосын сый тақырыпқа сай болды.

Кемшілігі: Тәрбиешінің көрнекіліктері аз болды. Жан-жақты ізденіп, қызықты мағлұматтарды балаларға көбірек жеткізу керек еді, -деді меңгеруші. Алдағы уақытта ұйымдастырылған іс-әрекетке жан-жақты дайындалып, көрнекіліктерді көбейту ұсынылды. Тәрбиеші А.Досыбаева «жақсы» деген баға беріледі, -деді меңгеруші.

4. Тыңдалды. Балабақша меңгерушісі сөз алды. Ол өз сөзінде –Құрметті әріптестер, алдағы желтоқсан айында үлкен екі іс-шараны атап өтетін боламыз. Біріншісі- еліміздің тәуелсіздігіне 31 жыл толу мерекесін атап өтеміз. Екіншісі-«Армысың, жаңа жыл» атты жалпы балабақша ішілік ертеңгілік. Жан-жақты ізденіп, дайындалып, алдағы дүйсенбі күні сценарийді маған бекітуге алып келіңіздер, - деді меңгеруші.

5. Тыңдалды. Балабақша меңгерушісі Г.Темирова сөз сөйледі. Ол өз сөзінде – Құрметті әріптестер, қазіргі таңда ауа-райы күрт салқындап, орви, ларингит секілді аурулар асқынып тұр. Ата-аналармен тығыз байланыста болыңыздар. Дене қызуы бар баланы әкелуге болмайды. Тамағы іскен ауру-жұқпалы болатынын ескертіңіздер. Қалың киім кигізіп жіберсін.. тырнақ-шаштары өскен жағдайда қысқартып, жуындырып, шайындырып әкелетін болсын. Медбике, үнемі қадағаланыз, -деді меңгеруші.

#### **Сөйлегендер:**

Б.Дилдабекова, медбике: -Ия, Лаззат апай, ата-аналармен үнемі тығыз байланыстамыз. Кеше бір, екі дене қызуы бар баланы қайтардық. пижамалары бар. Киімдері қалың, жылы, және ыңғайлы.

6. Тыңдалды. Балабақша меңгерушісі: Г.Темирова 2024 жылдың 15 желтоқсанда әр топта топтық ата-аналар жиналыстары өткізілетінін айтты. Жиналыста әлеуметтік қашықтықты сақтай отырып, төлемақы, балардың тұмау, орви, жөтел аурулары туралы және жаңа жылға дайындық және аяз атаның сыйлықтары мен концерттік нөмірлері туралы бір келісімге келіп, және басқа да мәселелер айтылу керек, -деді меңгеруші.

#### **Шешім:**

1. Өткен кеңес шешімдері орындалды.
2. «Алтын күз» мерекесін өткізген тәрбиешілерге «орта» деген баға берілсін.

3. Тақырыптық тексеру қорытындысы бойынша тәрбиеші: А.Досыбаева «жақсы» деген баға берілсін.
- 4 « Тәуелсіздік мерекесі», «жаңа жыл» мерекелерінің сценарийлері дер кезінде бекітілсін.
5. Медбике: Л.Дуйсенбекова тұмаудың алдын алу жұмыстарын тыңғылықты жіргізісін, ауруларды есепке алуды уақтылы жүргізісін.
6. Топтық ата-аналар жиналысы 2024 жылдың 15 желтоқсан күні өткізілсін. Жауапты- әдіскер.

Кеңес төрайымы:



Хатшысы:



А.Сапахова



## № 3 меңгеруші жанындағы кеңес хаттамасы.

10.01.2025 ж

Жиналғандар саны -9

### Күн тәртібі:

1. Өткен кеңесінің шешімдерінің орындалуы.
2. «Тәуелсіздік күні», «Жаңа жыл» мерекелерін талдау.
3. **Аралық мониторинг нәтижесі.**
4. Балалардың дене бітімінің жетілуіне арналған ойын құралдарын пайдалануы» тақырыптық тексеру қортындысы.
5. Кіріс құжаттарды талқылау.

**Тыңдалды :** Өткен кеңестің орындалуы жөнінде балабақша меңгерушісі Г.Темирова тоқталып өтті. Тәрбиешілер толықтыруда.

**Тыңдалды:** «Көгершін» ересектер тобының тәрбиешісі: А.Досыбаева Тәуелсіздік күніне арналған «Менің Қазақстаным» тақырыбында ашық ұйымдастырылған оқу қызметін талқылайтын болсақ, сабақ онлайн ретінде қызықты өтті, балалар белсене қатысты. Отан туралы түсініктерін қалыптастырып, Қазақстанның тәуелсіздігі жайлы көп мағлұмат берді. Тәуелсіздік сөзінің мән-мағынасын, рәміздерін таныстырды. Тәрбиешілер Жақсы деген баға қойылды.

Сонымен бірге топтардың жаңа жылдық мерекесіне тоқталсақ, ата-аналар балаларды Жаңа жыл мейрамына киіндіріп, тақпақтарын айтқызып, ватсап арқылы тәрбиешіге жіберді. Тәрбиеші балаларды мақтап, смайликтер арқылы ризашылығын білдірді.

Жаңа жылдық әндер жіберіп, балаларға, ата-аналарға керемет көңіл-күй сыйладық деуге болады.

**Тыңдалды:** Балабақша меңгерушісі: Г.Темирова балабақшаның Үлгілік оқу бағдарламасы мазмұнын игеру бойынша аралық мониторинг нәтижелерімен таныстырып өтті.

Үлгілік оқу бағдарламасының 1 тоқсанға арналған нәтижелерін меңгеру деңгейі орташа, жас ерекшелігіне сай талап, мақсат міндеттер жоспарланған. Жоспар бойынша оқу тәрбие үдерісін жүргізуді тапсырды.

Мектепке дейінгі тәрбие мен оқыту Мемлекеттік жалпыға міндетті білім беру стандарты оқу жүктемесіне 5 білім саласының мазмұны кіреді:

Денсаулық, Қатынас, Таным, Шығармашылық, Әлеуметтік орта.

Шығармашылық білім беру саласының мақсаты:

— мектеп жасына дейінгі балалардың сезімдік –эмоционалдық ортасы мен эстетикалық талғамын қалыптастыру, шығармашылық ойлау мәдениеті мен елестетуін дамыту.

Шығармашылық білім саласының базалық мазмұны:

- сурет салу;
- мүсіндеу;
- жапсыру;
- музыка.

Шығармашылық білім беру саласында баланың әлемге деген эстетикалық қатынасы мен ұлттық ,классикалық және заманауи көркем құралдарының дамуымен бірге қалыптасуы қарастырылады. Балалар шығармашылығы мен әрекеттерін біріктіру арқылы балалардың көркемдік қабілеттерін қалыптастырады. Музыка сабағында ырғақты музыкаға билеп, би қозғалыстарын орындайды. Ендігі жоспарда қабырғаларға айна ілу, балалар билегенде өз қимылдарын көріп , биге тез үйренеді. Акт залда түрлі ұлттық аспаптармен толықтырылды. Әрбір тәрбиеші сабақтан тыс уақытта балалардың шығармашылығын дамытатын әр түрлі кездесулер, іс-шаралар ұйымдастыру қажет. Іс-шара барысында, әрбір балаға өзіндік ойын, көзқарасын білдіруге мүмкіндік беру керек. Осындай жұмыстарды үнемі жүргізу балаларды шығармашылыққа баулуға, шәкірт бойындағы қабілет көзін ашып, тілін байытуға, қиялын ұштауға, өз бетінше ізденуге зор әсерін тигізеді. Балалардың қызығушылығы мен қабілеті әр түрлі. Сондықтан балабақшада балаларға арналған арнайы үйірмелер ұйымдастыру арқылы олардың шығармашылық қабілеттерін шыңдай түсуге болады. Үйірме жұмыстары ерікті түрде болатындықтан балалардың жеке мүмкіндіктеріне байланысты ұйымдастырылуы қажет. Үйірме жұмыстары тәрбиешіге әр

түрлі сабақтар өткізуге балалардың шығармашылық жұмысқа сүйіспеншілігін арттырып жұмысты орындауға қызығушылығын қалыптастыруға мүмкіндік тудырады.

Үйірме жұмысы балалармен күннің екінші жартысында вариативтік бөлімде өткізіледі. Өткізу орындары: топ бөлмесі, музыка залы, бейнелеу өнері студиясы,

денешынықтыру залы, АКТ арналған бөлме және т.б. Вариативтік бөлімді әрбір жас тобына арналған ұйымдастырылған оқу қызметінің жалпы кестесіне енгізу қажет. 2 – 3 жас аралығындағы сурет салуға деген қызығушылық туады. Шығармашылықпен жұмыс жасау тәрбиелеу барысында өзін қоршаған ортамен байланыстыра бейнелеуді тапсыру керек. Мектеп жасына дейінгі балалардың шығармашылығының бірінші белгісі қоршаған орта заттары мен объектісімен таныстыруда тәрбиеші оның негізгі пішініне, салыстыруға, ұқсастығын ажыратуға үйретіледі. Сол себептен бала бір заттың түрліше пішінін суретін салуда, мүсіндеуде және жапсыруда басқаша бейнелеудің амалын меңгереді. Балалар еркін түрде сурет салуда, басқа заттың ұқсас пішінін беруде қолданады. Сурет салуда түзу, қисық, үзік, жіңішке, қалың сызықтың түрлі амалын бала өзінің ойымен заттар мен құбылыстардың бейнесін беруде пайдаланады. Бала сурет салуда бейнелеу іс-әрекеті арқылы жас ерекшелігіне сай, қоршаған ортаны өзінің бейнелеу тәсілдерімен суреттеуге талпынады. Бейнелеу өнерінен ортаңғы топтан бастап вариатив сабақтарды ұйымдастырылуда. Сонымен қатар әдемілік, әсемдік туралы әңгімелеп, оқыту, тәрбие жұмыстарында ойын тәсілдерін қолданылып жатыр. Қорыта келе, қазіргі заман талабына орай мектепке дейінгі мекемеде баланың жас ерекшелігін ескере отырып, оны шығармашылыққа баулып, бар мүмкіндіктерін аша отырып, қиялын, ой-өрісін дамытуды басты жолға қоя білу керек.

#### **Шешім:**

- 1. Мерекелік іс-шаралар тақырыбына , мақсатына сай жауапкершілікпен өткізілуі тиіс.**
- 2. Балалардың білім біліктілігін дамытуда үлгілік оқу бағдарламасы күтілетін нәтижесі негізінде жүргізілсін.**
- 3. Әрбір педагог өз кәсіби құзіреттілігін, міндеттерін адал, жауапкершілікпен атқарсын.**



## Меңгеруші жанындағы кеңес

### Хаттама №4

24.03.2025 ж.

Қатысқандар саны: 9

#### Күн тәртібінде:

1. Өткен кеңес шешімдерінің орындалуы туралы. Меңгеруші: Г.Темирова
  2. 8-наурыз ,22-наурыз мерекелерін және «Жігіт сұлтаны -2023» ересек топ ұлдарының сайысының сценарийлерін бекіту туралы.
  3. Бақылау және басшылық,салыстырмалы тексеру қорытындысы . «Серуен қалай ұйымдастырылуда?» Кіші «Балапан» , «Қарлығаш» ортаңғы топтары. Меңгеруші: Г.Темирова
  4. Түрлі мәселелер .
    - 1.Тыңдалды .Балабақша меңгерушісі: Г.Темировасөз сөйледі. Ол өз сөзінде өткен кеңес шешімдері туралы айтып өтті. Аралық мониторинг нәтижелері бойынша әр топ балаларының дамау картасы түзілді Жетісай аудандық адами әлеуетті дамыту бөлімінен келіп түскен кіріс құжаттарды ,бұйрықтар мен хаттарды саралап,мәліметтер берілген берілмегенін анықтап шықты. Барлық кіріс хаттарға шығыс нөмір қойып мәліметтер тапсырғанмыз жөнінде мәлімдеді.
    2. Тыңдалды. Балабақша меңгерушісі сөз сөйледі .Ол өз сөзінде алдағы күндері балабақшамызда «8-наурыз –Аналар мерекесі» , «22-наурыз –Ұлыстың ұлы күні» мерекесі және «Жігіт сұлтаны-2023» атты ұлдар сайысы өтетіні туралы айтты. Тәрбиешілерден дайындықтар қалай болып жатқанын сұрады. Тәрбиешілердің дайындықтары жақсы екендігін ,бәрі дайындалып жүргенін айтты. Бірақ әлі күнге дейін бір де бір тәрбиеші сценарилерін әкеліп бекіттірмеді деді меңгеруші . Бүгіннен қалдырмай бекіту керек екенін айтты.
    3. Тыңдалды . Балабақша меңгерушісі: Г.Темирова апай 2023 жылдың 11 наурыз күні жылдық жоспарда белгіленген іс-шараны орындау мақсатында бақылау және басшылық бойынша салыстырмалы бақылау жүргізді. Топтар: «Балауса» кіші және «Қарлығаш» ортаңғы топтары. Бақылаудың мақсаты: «Тәрбиешілер серуенді қалай ұйымдастыруда?». «Балғыншақ» кіші тобының тәрбиешісі – балаларды қыз бен бала етіп жұптастырып , «бала ,бала, балапан ,қане қайсы алақан» әнін хормен айтып ,ойын алаңына барды.табиғатты бақылаймыз деп аспанды ,күнді,бұлтты бақылатты. Мысықтың,күшіктің,қоянның,қозының ,бұзаудың суреттерін көрсетіп,сұрақ-жап жүргізді,және бұлар үй жануары ма ,орман жануары ма деп логикалық сұрақ қойып ,балалар үй жануарлары деп дұрыс жауап берді. Келесі сәтте қағаздарды жинаймйыз деп еңбек жасатты. Үшінші кезеңде балаларды еркін ойнатты. Қорыта келе, тәрбиеші:А.Досыбаева жақсы деген баға беріледі-,деді.
- Екінші топ «Балауса» ортаңғы тобы. Тәрбиеші: Ж.Мырзабасиева. Балаларды сапқа тұрғызып , «Жау жаңбыр» әнін хормен айтқызды. Ойын алаңына алып келіп,жартылай шеңбер етіп отырғызды. Табиғатты бақылайықшы деп,күнді,бұлтты, ағаш жапырақтары мен олардың көктемде жасыл түске еніп,айнала түрленетінін айтты. «Тербеледі ағаштар » тақпағын айтқызды. «Түлкі мен қоян » ертегісін балаларға қуыршақ театры арқылы жүргізіп балалардың тілдерін дамытты. Бір жылда неше мезгіл бар ? қазір жылдың қай мезгілі деп логикалық сұрақтар қойып балалар

ойланып дұрыс жауап берді. Шөп жұламыз деп алаңқайдағы шөптерді бірге жұлып еңбек ұйымдастырды.Қорыта келе, тәрбиеші:Б.Дилдабекова деген баға беріледі деді меңгеруші.

4. Тыңдалды. Түрлі мәселе бойынша балабақша әдіскері сөз сөйледі.Ол өз сөзінде 2023 жылдың мамырайында 3 жылдық мемлекеттік аттестация келе жатыр .3 жылдың барлық құжаттары толық жазылып ,нөмірленіп, бауланып,меңгерушіге бекітуге беріңіздер деді. Сондай ақ 3жылдың балалар мониторингтері мен даму карталары болу керек . Және де ата-аналар жиналыстарының хаттамалары да жылдық жоспармен бекітілген мәселелер ғана қаралуы тиіс. Сонымен қатар аудандық білім бөліміне түрлі сайыстар туралы хат келген , дайындаңыздар деді.

### Шешім:

1.Өткен кеңес шешімдері орындалды.

2. 8-наурыз,наурыз мерекелерінің және «Жігіт сұлтаны -2024» сайысының сценарийлері түзіліп,бекітілсін.

1) Салыстырмалы бақылау қорытындысы бойынша «Балауса » кіші тобының тәрбиешісі Ж.Пашеева жақсы деген баға берілсін.

2) Салыстырмалы бақылау қорытындысы бойынша «Қарлығаш» ортаңғы топ тәрбиешісі:А.Шаменова жақсы деген баға брілсін.

4. 1). Мемлекеттік аттестацияға дайындық жұмыстары жүргізілсін

2 Мемлекеттік аттестациялауға дайындық жұмыстары жүргізілсін. Жауапты: балабақша ұжымы.

Кеңес төрайымы:  Г.Темирова

Хатшы:  А.Сапахова



## Меңгеруші жанындағы кеңес

### Хаттама №5

30.05.2025ж

Қатысқандар саны : 9

#### Күн тәртібінде:

1. Өткен кеңес шешімдерінің орындалуы туралы. Меңгеруші
2. 8-наурыз ,22-наурыз және «Жігіт сұлтаны -2023» ересек топ ұлдарының сайысын талқылау туралы. Меңгеруші: Г.Темирова
3. «Қош бол ,балабақшам » мерекесінің бағдарламасын бекіту туралы.
4. «Бақылау және басшылық». «Заттық –пәндік дамыту ортасының сапасы қандай?» барлық топтар бойынша фронтальді тексеру қорытындысы туралы.
- 5 «7-мамыр –Отан қорғаушылар » және «9-мамыр –жеңіс күн»і ертеңгіліктерінің сценарийлерін бекіту туралы.
6. Искер –ойын «Тәрбиеші және ситуация». Әдіскер: А.Сапахова

1. Тыңдалды . Балабақша меңгерушісі: Г.Темирова сөз сөйледі. Ол өз сөзінде өткен кеңес шешімдері туралы айтып өтті. 2023 –оқу жылында өтілетін наурыз мерекелері мен ұлдар сайысына арналған сценарийлер түзіліп, бекітілді . Ата-аналар жиналыстарының хаттамасын тәрбиешілер түзіп, әдіскер: А.Сапахова тапсырды.

2. Тыңдалды. Балабақша меңгерушісі: Г.Темирова сөз сөйледі. Ол өз сөзінде жақында балабақшада «8-наурыз –аналар мерекесі» болып өтті. Бірінші болып «Балғыншақ» кіші топ балалары сахнаға шықты. Тәрбиеші: А.Досыбаева. Балалар мерекелік киімдер киген . «Сенің анаң алтын » әніне биледі. Келесі сәтте жаттаған тақпақтарын айтты. Қыздар тобы өзбекше би биледі. Ұлдар тобы «Біздің ағай тамаша » әніне биледі. Қорыта келе тәрбиеші:Ж.Мырзабасиева жақсы деген баға беріледі.

Екінші болып «Балдәурен»ортаңғы тобының балалары өнерлерін көрсетті. Тәрбиеші- А.Ақназарова. Барлық балалар мерекеге сай киінген. . «Ана » туралы әнді хормен айтты. Қыздар «Гүлдер » биін биледі. Балалар жаттаған тақпақтарын жақсы айтып шықты. Келесі сәтте «Көбелектер » биін бір топ қыздар биледі. Ұлдар мен қыздар вальс биледі. «Әжемнің» шәйі әнін бәрі хормен орындады.Қорыта келе, тәрбиеш: А.Шаменова жақсы деген баға беріледі деді меңгеруші. Соңғы болып «Қарлығаш»тобының бүлдірішіндері шықты. Тәрбиеші- А.Досыбаева. Барлық балалар мерекеге сай киінген .Хор жақсы орындады. «Біздің ағай тамаша » биіне ұл балалар жақсы биледі. «Көктем арулары » биін қыздар тобы жақсы биледі. Келесі сәтте балалар вальс биледі. «Менің анам алтын »әнін хормен жақсы айтып шықты. Балалар ата- аналарына арнап тақпақтарын өте жақсы айтып шықты. Қорыта келе тәрбиеші А.Досыбаева жақсы деген баға беріледі деді меңгеруші.

2025 жылдың 29-наурыз күні балабақшада «Қарлығаш» ересек тобының ұлдарының қатысуымен «Жігіт сұлтаны -2025» сайысы болып өтті. Ұйымдастырған –А.Досыбаева, музыка жетекшісі А.Момбекова сайыстың мақсаты- балаларды сахнаға бейімдеу,тіл байлығын арттыру,өз өнерлерін ашуға ынталандыру.Ата-аналармен қарым-қатынасты нығайту. Сайысқа 5 ұл қатысты. 6 кезеңнен тұрды. 1) Өзін өлеңмен таныстыру.2) Өз өнері. 3) Сұрақ-жауап.4) «Тауып алып жапсыр» 5)Спорттық сайыс.6) Ата- аналармен бірге үй тапсырмасы. Бәрлық ұлдарымыз өте жақсы дайындалған . ата-аналары на көп рахмет ,немқұрайлы қарамай балаларын жан-жақты дайындаған .Әсересе өзін таныстыруда 5-6 шумақ жаттаған . Өз өнерлерінде би билеп, ән айтты. . Сұрақ- жауап сайысында да сұрақтарға мүдірмей жауап берді . Ал жапсыру сайысында Базарбек Бек,Қайрат Ербосын,Мырзабай Нұрғиса білімділігімен ерекше көзге түсті. .Ал Натухан Хан мен Адамбек Ерсұлтан өз өнерін өте жақсы меңгергендерін дәлелдеді. Әділ қазылар алқасы болып басқа балабақшалардың меңгерушілері қонаққа келді. Әділ бағаларын берді. Сайыс соңында «Жігіттің сұлтаны -2025 » номинациясын Мырзабай Нұрғиса деген жігіт жеңіп алып өзінің қазақ елінің батыр ұлдарының сапында екенін дәлелдеп бас жүлдені иеленді. . Сайыс барысында кемшіліктер де болды. Мысалы-нөмер таққан кезде тәрбиеші жюрилерді жаңылыстырып жіберді.микрафон дауысы өте жай шықты. Қорыта келе, тәрбиеші: А.Досыбаева, Ж.Мырзабасиева өте жақсы деген баға беріледі, деді меңгеруші.

3.Тыңдалды. Балабақша меңгерушісі:Г.Темирова сөз сөйледі. Ол өз сөзінде «Көгершін» ересектер тобында «Қош бол ,сүйікті балабақшам » атты ертеңгілік атап өтілуі керек. Оған тәрбиешілер Досыбаева Айнур апай қазірден сценарийлерін түзіп,ата-аналармен тығыз байланыс орнату қажет .Биыл бар -жоғы 17 бала бітіреді екен. Бітіруші балаларға балабақша тарапынан да сыйлықтар берілетін болады. Және венетка жасату керек. Балабақшадағы апайлардың еселі еңбектерін ата- аналар мен балалар да әрдайым естен шығармай ,еске алып жүрсе дейміз. Ертеңгілік соңында балабақшаның ботқасынан дәм ауыз тиіп, концерттік бағдарлама ұйымдастырса деген тілегіміз бар . Сондай ақ сый -сыяпат жасап шығарып саламыз деген жоспарымыз да бар.

**Сөйлегендер:** Дилдабекова Бактыгул тәрбиеші,

-Құрметті әріптестер ,барлықтарыңызды балабақша түлектері күнімен құттықтаймын. Бұл біздің ортақ қуанышымыз,ортақ жеңісіміз бен мәуелі жемісіміз. Өйткен мәуелі ағашта өсіп әсем де сұлу жеміске айналған бұл біздің бүлдіршіндеріміз. Оларға жолдарыңыз ашық болсын ,биіктерге самғап ұша беріңдер дей келе барлық қызметкерлер мен әріптестеріме зор денсаулық,қажымас қайрат,отбасыларыңызға амандық, жұмыстарыңызға творчестволық табыстар тілеймін.

4. Тыңдалды . Балабақша меңгерушісі: Г.Темирова сөз сөйледі. Ол өз сөзінде 2025 жылдың 24 сәуір күні балабақшаның жылдық жоспарында бекітілген іс-шараны орындау мақсатында «Топтардағы заттық-пәндік дамыту ортасының сапасы қандай?» бақылау және басшылық бойынша фронтальды тексеру жүргізілді. Барлық топ тәрбиешілері 5 дағды бойынша заттық-. пәндік ортаның материалдық базасын жақсы деңгейде безендірген.. кемшіліктер де бар.

5. Тыңдалды. Балабақша меңгерушісі: Г.Темирова сөз сөйледі. Ол өз сөзінде «7-мамыр –отанқорғаушылар күні мен 9-мамыр –Ұлы жеңіс күні н» мереке қарсаңында өтесіздер. Ол үшін қазірден балаларға тақпақтарды үйлеріне беріп жіберіп ,жаттатып,киімдерін тіктіре беру керек. «Қарлығаш» ересек тобы мен «Қарлығаш» орта тобының бүлдіршіндері сценарий бойынша дайындалсын. Ертеңгілік бағдарламасы мақсатқа сай болсын .Баланың есінде отан қорғаушылар мен біздерге Ұлы жеңіс сыйлаған ата-апаларымыздың ерлігі ешқашан ұмытылмайды және де оларды әрдайым жас ұрпаққа дәріптеп отыруымыз керек деді.

**Сөйлегендер:**

А.Досыбаева, тәрбиеші: - Сөзіңізге қосыламын. Дұрыс айтасыз. Бұл жеңіс жылда тойлана береді. Балаларды ұлтжанды, патриот болып өсулеріне өте қажетті мереке бұл.

6. Тыңдалды. Балабақшаның әдіскері: А.Досыбаева сөз алды, Ол тәрбиешілерге «Тәрбиеші және ситуация» тақырыбында іскер ойын ұйымдастырды.

### Шешім:

1. Өткен кеңес шешімдері орындалды.
2. 8-наурыз және Наурыз мерекелерін ұйымдастырған тәрбиешілерге жақсы деген баға берілісін.  
«Жігіттің сұлтаны -2023» сайысын ұйымдастырған тәрбиеші: А.Досыбаева, А.Шаменова өте жақсы деген баға берілісін.
3. «Қош бол сүйікті балабақшам» атты ертеңгіліктің сценаріі түзіліп, бекітілсін. Жауапты: тәрбиеші: А.Досыбаева, А.Шаменова.
4. Бақылау және басшылықтың фронтальді тексеру нәтижесі бойынша барлық топтарға жақсы деген баға берілісін.
5. «7-мамыр –отанқорғаушылар күні» және «9-мамыр – Ұлы жеңіс күні» ертеңгіліктерінің сценариілері түзіліп, бекітілсін. Жауапты: Тәрбиешілер
6. Тәрбиешілермен іскер ойын ұйымдастырған әдіскер: А.Сапахова жақсы деген баға берілісін.

Кеңес төрайымы:  Р.Темирова

Хатшы:  А.Сапахова

